



## Australian Government

### Department of Health

#### **KOVID-19 fúk (thika) maribólla TGA ye Australian ókkol óre biccác dibo**

Korunaváires wobabearam loi larái goríte KOVID-19 fúk ókkol é ekkán dhoñór ham goríbó.

KOVID-19 fúk ókkol óre Australiat estemal goribólla Australiar Therapeutic Goods Administration (TGA) óiye de emtán gorá ar monzuri diyar zimmadar. Oggwá emkani fúk or nofá ókkol ar nuksan ókkol beggún óre TGA ye etebar gorér. Fúk ókkol ór sólámoti ar asór gorár baboteTGA or karuai ókkol becí hora, fáróot – ar azad.

Lékin TGA ye ekéla ham nogoré. Duniyai agagura entezam and niyom goróinna tonzim ókkol loi TGA ye becí dháké ham goré. Ciyarjjá maalumát, ziín óttu fotti zon e fáida gorífare, héçe asé de hían óre yekini banaibólla hítára fotti din taawun goré.

Oggwá fúk óre monzur goríbó né fáiséla goribólla, híbar saíñsi ar kiliníki maalumát asé dé híin óre TGA ye emtán goré. Maalumát iín fúk toiyar goróiya adde aséde oinno sóbut óttu aiyé.

Oggwá fúk ór estemal oré añará monzur goríyúm siróf zodi híba kiliníki tojurubar thaim ot adde baade maháfuz ar asór goróinna óile. Fúk toiyar goróiya ye yaán dehái faroon zoruri de ki fúk gwa ré usol man loi, laayek adde kabu gorázade torika loi toiyar gorá giyyé.

Zodi TGA ye oggwá fúk óre monzur goré, tuñí biccác gorí faribá déki híba KOVID-19 or khélaf ham goríbó. Fúk gwa yé oi manúic ór gonti ré homaibó zetará váires gwár zoriya becí bearam yáto morer.

Monzurir baade, añárar ham zari ó. Fúk or sólámoti ré añará dháhóttu nozordari goríyúm ar Australiar fottí zólhar man oré cek goríyúm.

Añárar ekbere ahám ham hisáfe, TGA ye KOVID-19 fúk ókkol óre furafuri báfé nozor lagar – lékin maamuli ottú aró baiththá thaim or gírát.

Manúic óttu fúk ókkol ór uore beec biccác asé dé hían óre Australiat ekteyar goijjá torika ye yekini banaiyé. Yaán é sóbsé bálá umumi sehét or notija hásél goríbó.

Añárar man ókkol hom noforefáan goríyóre añará keén gorí kamiyab óiyi fúk ókkol óre joldi cek goróon or karuait mazé? Toiyar goróiya ókkol ór torfóttu TGA ye niyom mote boyanat ókkol faat asé. Zehonó súal or juab oré joldi faibollá añará hítára loi ham goijjí.

Añáráttu mukhtoléf dhaái ókkol asé zetará fúk zoma gorá ókkol ór mukhtoléf híssa ókkol óre cek gorér. Fúk or niyom gorá adde sólámotir babote saásita gorár uore ham goróinna manúic or gonti ré yó añará baráiyi. Añárar mahér ókkol ór mokhsus jomát ókkol é id forokkya ham goijjí.

Oggwá fúk óre emtán goribár cómot TGA ye házar házar sóbbar boyanat ar maalumát oré etebar gorér dé hían tuñára fúinnó dé óibó. Añará háas gorí kiyóre saír dé?

Añará hár ciz oré saái zéçe ekkán harhánár mahóul ot fúk ókkol ór asór gorá yó cáamel asé. Toiyarir karuai ókkol óre yó añará saái. Dhakthor ókkol ór kiliník ókkol adde hópíthar ókkol ót zaibode dabair cícirí ókkol óre añará saái, héndhílla kiliníki tojurubar boyanat ókkol adde tofsili héfázoti maalumát.

Februarir maz-óttu-céc fujjonto Australain ahám gurúp ókkol óre fúk mara cúru goríbólla Australian Hókúmot e acágorér.

TGA ot añárar ham óiye dé ki fúk ókkol ím maháfuz, asór goróinna ar añárar hora man ókkol motafek óiye dé hían Australian ókkol óre biccác doon.

**Modotgar Profésar John Skerritt or torfóttu, zibá ye Therapeutic Goods Administration or sórdari goré.**